

Zeitschrift: Quaderni grigionitaliani
Herausgeber: Pro Grigioni Italiano
Band: 4 (1934-1935)
Heft: 4

Artikel: Tommaso Maurizio : la sua vita e le sue poesie bregagliotte
Autor: Gianotti, Emilio
DOI: <https://doi.org/10.5169/seals-6563>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.08.2025

ETH-Bibliothek Zürich, E-Periodica, <https://www.e-periodica.ch>

TOMMASO MAURIZIO

LA SUA VITA E LE SUE POESIE BREGAGLIOTTE.⁽¹⁾

(EMILIO GIANOTTI, COIRA)

(Continuazione e fine)

I mascun in ambulanza cul Fritz e R. Vassal, apicultur. Melodia: Prinz Eugen.

1. Sünt i alt da lüi fluriscian
Flur e erba, es vastiscian
,Vert i alber per i piz.
Gent e bestg is sentan vöia
Da truvär flur erb'e föia
Sopratütt mascun e 'l Fritz
2. Nun è gner da marivea
Sa dagiò al nasc l'idea
Al Vassal e fär dal bun
E da tör in cumpagnia
In cumüna allegria
Läasan Fritz e i se mascun.
3. Giò la seira val in voga
Corr, paregia, sezan loga
Cun precisa attenziun.
Loga pö in cunseguenza
Sünt al carr cun gran prudenza
Lan cassetta di mascun.
4. Vi la stala e bunura
As al trova cal lavura
E vastir Fritz asinò,
Al bun Fritz ai va per teista
Ch'era in voga qualtg feista
E l'intuna al se cant I-O!
5. Preist nu l'era plü dal règiar:
Cua in aria, spirat legier,
Svelt in gamba, salta, trott,
Mira 'l carr in mezz la sträda
Fra lan latta tö plazäda
Trapatant ch'il taccan sott.
6. Da bun anima creatüra
Tü è 'ntgiö 'na manadüra
Da reginan in castel,
S'um i riva e bun ura
Prüma ca al sul lavura
Sci intgiö man fa 'na pel ».
7. Infratant dlan butgiarela
Gnivan ora quel e quella
E guardävan stort e intorn
As fageivan marivea
Da nu 'vdeir gni flur gni föia
E rabiusa fan ritorn.
8. Preist as sent ent lan cassetta
Üna vergna maledetta.
Sül pais da canicül
Nus ve sul e nus vè erba
Briccad alber, föisa verda
Soma cua, soma ciüll.
9. La regina sgumantäda
Clama, per ciarcär müdäda,
Cavalieri in cunsei:
« S'al mond à fatg ravolta
Gratagià sem ent la polta
Sci c'um fügia da ulcei ».
10. Al Vassal scluppan la früsta
Disc cun lingua dulcia-brüsca:
« Alto Fritz is innavant
Nu 't lasciär tgiapär dla cagna;
In pais da la cucagna,
Ligier vam intgiö scivland.»

(1) All'ultimo momento abbiamo rintracciato un ultimo quadernetto di poesie del M., dal quale togliamo le ultime sei accolte in questo numero.

11. Sül ritciöl lan roda trugnan
Lan cassetta fort trantugnan
Ai mascun purtand malan.
« Quist è üna greiva botta
Tütg fugì dal terremota
E salvav sü qualgi ram.»
12. Gnanca ditg e quasi tüttan
Butgiarela ora büttan
Mantunida da mascun.
Ma indu 's salvär, indua?
Tütg as taccan sü la cua
C'la pareiva üm ficeun.
13. E sü paçan dree minüta
Sentni ca la cua ai bütta
Vi e ciò cun veemenz,
Viepplü ea is rampiccan
Viepplü ch'i mordan, ficecan
In delirio tremens.
14. Iss al simbul dla pazienza
Abbandugna la clemenza
E païetà cuntr'al carr,
Disparaa in ira groma
Scudal teista, col e toma
E as sbalza or dal carr.
15. I mascun ent la distretta
Saltan ora dl'an cassetta
In vulcana eruziun.
Plü nu era sü la vita
Plazza vöida, da la Fritza
Soma borgna da mascun.
16. Sbrütg e salt e païatäda
Rütg e tratg e blastamäda
Spaventeval mascdarun.
O per furia o vendetta
As slanciävan da saietta
I mascun er sül padrun.
17. Lü ajüd d'ingoscia clama,
Am va tütt or per lan rama
Tüt am fa revoluziun.
Su nu gni in granda fretta
Sünt al colmo dla disdetta,
Vegn sgrislusa perdiziun.
18. Corr vascin e corr vascigna,
Prevedent certa ruigna
Cun sadelan e mantun.
E svüdand giò per la teista
Sadellädan d'aua freisca
Salvni om, Fritz e mascun!

A LÜ.

Un preletto con coro framezzo, melodia: son rinchiusa fra 4 mura. . . .

1. Grida popul da Sur-Porta
Gent eridà da Visavran
Da la squädra da la Plazza
Da la squädra San Cassan.
2. Ca intgiö nascostamente
Av succeid üna malura
Sot la feista ca's celebra
Sot i giüval ent adzura.
3. Sot i colp da pistuläda
Sot i sun da lan campana
Sot i zigual da lan ghiga
Sot lan larma da la mama!
4. Ai, d'intgiö je lasch appena
Ventilär lan mi ingoscia
Ca nus 's crega haia tema
Je ha suspectt ca nu 's cagnoscia.
5. Ma tgi dgess ch'ent la lagria
As zoppas mo la tristezza
Tanco sott cumbatt fadiga
As nascond la cuntentezza.
6. Je nu'l poss, je nu'l poss ora
Quist fantasma, quist fenomi,
Ma al greiv da la mi tema
L'è chilò al matrimoni.
7. Lü davent cun la si tgiära
Va 'nt al regn da fantasia
Cun l'amur in cumpagnia
Praticant la poesia!
8. Ma la Plazza c'al banduna
C'l'ha tgiürà in giuvantüra
Cun ingegn e conoscenza
E cun forza e premüra,

9. Quela piazza d'assistenza
In imbroi, faccend', uffici
Quela bussola costante
Ca dà semper ün indizi!...
10. Tgi è quel ca's n'impadrugna
Cul se genio e modestia
E supporta cun pazienza
I disgüst e lan modestia?
11. O, per nò l'è or da banda
Tgi ca ama la si dama
Vers al pubblic disc' addio
Quela tgiära, tgiära soma!
12. Tgi è quel ca per lan squädra
Lan campana grand e pita
Per i ben da la baselga
Anch sustenta la daspüta!
13. Per i dretg da pulizia
Da polit'ca vicinanca
Per lan scola e prevenda
Per la mongaria anca?...
14. A per issa l'è sciünäda
Cun l'amur in cumpagnia
Soma val in fantasia
Praticand la poesia.
15. Cun la fiacca natüräla
Sa l'enträva in cumunanza
La rastäva lo supreisa
O per futa o speranza.
16. Soma pür la si presenza
Inspiräva influenza
Al se voto pöö valeiva
Per ün scütg da conseguenza.
17. Logament per erb'e bestia
Per i bosch o edifizi
Quint cumün, economia....
Tüt valeiv'al se giüdizi,
18. Ma per issa l'è sciünäda
Cun l'amur in cumpagnia
Soma val in fantasia
Praticand la poesia!
19. Tgi s'intriga ent i affari
Da la cunciapapteria
Per santir da tütt lan banda
Lan plü granda purcaria...
20. E stär lò cun ment attenta
Serietà mortificante
Discernend esattamente
L'ingiürâ da l'ingiürante!
21. Mentrechè lur nu dasmettan
Per miniüzian, toffa, bua
Da 's trattär da scroch e äsan
Lädar, porch e vacca, scrua?
22. Quantan lengua imprudenta
Quantgi man da insolenza
O cirvei d'impertinenza
Ha 'l ridott e penitenza,
23. Cor calmaa c'as diffidävan
Giò l'amur da tantan lügna
E regulaa lan strambaria
Di cumpari battalügna?...
24. Ma per issa l'è sciünäda
Cun l'amur in cumpagnia
Soma val in fantasia
Praticand la poesia!
25. Divisiun, s'ha's presentävan
Da dabit o da sustanza
L'era semper la si pena
C'hai tagniva la balantcia.
26. El trusciäva cun pazienza
Infrà letg, camiscia, fascia
Infrà tond, lavetg, pignata
Infrà brocca, bott e cascchia,
27. Infrà polizan « d'essendo »
Di basat anch'in pendenza
E 'n ciarcäva cun franchisezza
Er la quinta discendenza.
28. Ma per issa l'è sciünäda
Cun l'amur in cumpagnia
Soma val in fantasia
Praticand la poesia!
29. Cun 'na gamba instancabla
Cunt al pass vidzur lan spala
Cunt al taccuin e 'l lapis
As al ve vilò ca'l bala.
30. Infrà spign e camp e sgrata
Infrà mot e val e ganda
Mazürand cun esattezza
I morzett da tütt lan banda.

31. Quadrataa ha'l tant Sur-Porta
Ca per lü nu 'n reista bricca
E s'l'ha anch dan fär mazüra
L'ha da essar 'na cubicca!
32. Ma per issa l'è sciünada
Cun l'amur in cumpagnia
Soma val in fantasia
Praticand la poesia!
33. Lü sulet l'ha giü 'l curagi
Da drizzär cavai in sträda
Ravvisand la val Bargaia
Cun trignöl e trumbettäda.
34. Implantaa quel grand miraqual
Dal saveir e d'la natüra
Ca par ceil e mär e tera
I panzeir spedisc sagiüra!
35. Ma per issa l'è sciünäda
Cun l'amur in cumpagnia
Soma val in fantasia
Praticand la poesia!
36. E nun er'l in cumpagnia
La virtù centrifugale
Per stüäda, bal, slittäda
O per spass da « mancomale »!
37. Ma la pontgia dla si forza
S'ai truväva la disfida
In triett, piquett, mazzett
Al mossäva ent la partida.
38. Tant c'al pudastà tumpläva
'L prufessur immutoliva
E c'al Schnider blastamäva
E'l Juvalta s'an stupiva.
39. Quantgi strüffal da partida
En indatg in Francia, Prussia
In Italia, Ungaria
Denemark, Polonia, Russia.
40. Ma per issa l'è sciünäda
Cun l'amur in cumpagnia
Soma val in fantasia
Praticand la poesia!
41. Crida popal da Bargaia
Gent cridàa da Visavran,
Da la squädra da la Plaza
da la squädra d'San Cassan!

Alla sepoltüra da G. A. Vassali.

1. Al nose amich, al mear noss cumpagn,
's ha bandunà sünt i giuvan agn,
's ha bandunà edüna da chilò
Per semper nu torner in tciò.
2. Tgi erid'in lü ün fy cun displasceir,
Tgi erid'in lü ü giuvan bun, sinceir,
Tgi erid'in lü e cun compì dulur,
Ün tènder cor tamprà d'amur.
3. Ma tüt lan larma nu pon riparer
Quel ca l'Altissim ha vulü as fer.
Al l'ha calmà! e l'ha cumpì al teist:
Lè i bun, lè i bun ca möran preist.
4. Ma sa l'è 'ndatg vargot as lasc' e no
Quel ca magiün nagiün rober as po:
Al se caratter dulc e rassegnà
Per semper esser immità.
5. L'eterna päsc iss gödal sullevà!
Lan affliziun l'han issa bandunà;
Rassegnat, mama, ent al te dulur:
I mort ravvivan sa nu i mör l'amur!

Lan campana da Visavran.

1. Quel armunius tun tan da San Cassan
Da la mazama e campana granda
Ca da ragord da gent da Visavran,
As rallegreva lan dumenga e sanda,
Fageiva part da tütt la nostra vita,
Noss sentiment in dultgia sort e gritta.
2. Quel bel tun tan! s'al cor devot batteva
Ent al mument da l'atto religius,
S'ent la lagria viv as inalzeva
E celebrer la congiunziun da spus;
Al se bel sun, per l'aria rambombeva
E da la feista al brio aumenteva.
3. Sa in suleif dre greivan affliziun
Al pelegrin sciüneva la si corza
Qual fulminant e senza cumpasciun
La mort stützzeva rigurusa forza
Al bel tun tan fedel la vusc alzeva
E all'eterna palza ai clameva.
4. Dal föch la flama s'alzan vers al ceil
Selarind al petg da l'ingosceda letgia;
Lan nüvola neira, plegna d'ira e feil
Diluvi smigan ent la nostra stregta.
Al bel tun tan tampreva la sentenza
Al se accord clameva l'assistenza.
5. Quel bel tun tan iss' issa nu mè plü
La rott al cor per celebrer la feista,
Al bel accord è perz e confondü,
E moribond ün rac tich tach al peista;
La granda, perza, clama dulurusa
La sor smarrida viepplü confusa.
6. Quel bel tun tan quel eco dal noss cor
Nun è la perla plü dal'edifizi
Nu incanta plü l'ureila cun la sor,
Ma disarmonia tancufa urizi
La clam'agiüd in propria sventüra
Seam fedel e m'an töa tgüra.

Canzun di giuvan masarà.

1. Introduzion.

Casa disat sa tü ve
Giò lan fia da lan fia,
Lan scolaira es cuiuner
Su num vol as marider?
Casa penzat ussarvand
Ch'i driang « der alten Garde »

Al dreagna tgappan fögh
E bandugnan al se lögh?
Casa sperat s'al suzzeit
Ch'i fiotez e lan fiotza
Ignorand giüdaz « comme nous »
Giò infilzan « Rendezvous »?

2. Meditazun !

Je m'impenz dre'l clair panzeir
 Dal Bazcheir dal Hans Walter
 C'lè n'affare imbroià
 I noss agn nu han al fögh
 Da la giuvna giuvantüra
 E per fign i noss « Sett »
 I nu fan nagiün effet.
 Per amer nu m'ha la flama
 Per pragher nu m'ha la cagna
 E spatger l'è ün dür manegg
 E sforzer l'èanca petg;
 Per baler nu m'ha lan gamba
 Dal salter um crod in banda
 Er al spass da la planetta
 Perz tüquant ha la magnetta

Al sculter as da fadia
 Al trentün brich garanzia
 E pei mogn dal Schwarzapeter
 Num ha plazza plü dai metter
 Per al mufti num ha stingular;
 Sott lan cloca da Giacob
 Um divanta quasi gobb,
 Cul tatler num as pascenta
 Cul spier num as badenta
 Serenada e mattineda
 As fan gnir la gula infleda
 Gialantà per lan scliteda
 Drumantà per strascineda
 Incapaci per Carezza
 Insensibel per la ghezca.

3. Conclusiun !

E per dir in cunclusiun
 L'è n'affare da cujun

Cum as tira ent ün runcin
 Es parega per la fin.

L'Incant.

1. Brava gent da Visavran
 tciò tütg quantg in cumpagnia
 Ca intgiö um tö e man
 Grand affe d'ecunumia,
 Tciò e rotg cum vend la Malta
 Per as trer or da la palta.
2. Quel bel pra e quel plan
 quel oggett da gelusia,
 Ch'i nos veil s'an datg e man
 Urguglius cun simpatia,
 Per manetg al va e l'asta
 Per decret e tanto basta.
3. Non ostante buna gent
 Gni tütg quantg cun borsa teisa,
 Cun curagi e der ent
 Per c'um fagia buna preisa,
 Pertgé 'l va pel ben triune
 Scola, chiesa e comune.
4. L'en seisc pezza: Pedrantom,
 Papaligna, Manzanoia,
 Bratcarola, Flurington,
 La driana d' Romedoia
 Tüttan seisc en cultiveda
 Ingrasceda, surladeda.
5. Cundiziun en giüstament:
 Tgi ca tö lan bela lista
 O in or o in argent
 Realizza pront l'aquista,
 E riceiv la si quittanza
 In diletta rimembranza.
6. Tgiò vualtar pussedent
 Cu bramà la cognoscenza,
 E raccolger al mument
 Per francar l'intelligenza,
 Det ent stain, lan vossa offerta
 Per la scola en ün erta.
7. Tgiò vualtar dla pietà
 In zelanta concurrenza
 E unir la carità
 Cun la propria cunvenienza,
 Quel cu det ha bun impresa
 Per prebenda e per la chiesa.
8. Tgiò vascin, brav, ambizius,
 Di dasbögn in cugnuscenza,
 Patriot e generus...
 Er in quista occorenza
 Sviluppà in stramazüra
 Pel cumün la vossa tgüra.

9. Al scrivent, veil patriot,
 Per ca lan parola früttan
 Zera l'asta cun al bot:
 « Quindasc mili franch par tüttan.
 Sa varün an dronzananca
 Forza ca er lü nu manca. »

La pülasceria.

1. Bell'Italia, da l'Europa
 Al giardin tant decanteda
 At vöi der na bun'öileda
 E truver al giardinier.
2. O tgi ceil da marivea
 O tgi aua clair - lüscenta
 Tgi campagna ca badenta
 O tgi sul ca scalda giò.
3. E plü bel daventa semper
 Plü avanti cas camina
 Sot lan vigna al clair da lüna
 Anelante am senta giò.
4. Em prafond ent la richezza
 Ca finisc e c'am circonda,
 Mertre sent' na vuse gioconda
 Em clamer: « Ve giò childò. »
5. Am toccand, riand, la patta
 Disc: « Mi sun il giardiniere
 Siete stanco dem da bere
 Allor sì che's durmirà. »
6. Dre i ulcei e la pulenta
 Cun frumag da permigiano
 E tre pinte bun Bresciano
 Sonantà ingiet e letg.
7. M'insumiand' na lunga pezza
 Dal Melun e da l'Angüra
 Dal Marun per la planüra
 Da la vigna per i mott.
8. « E qui vi » je sbradg d'ingoscia
 Or, saltand da la litgeira,
 Càm minaccia in maniera
 D'am rober al sonn prafond.
9. « Riposate signor mio,
 Non temete alcun male
 V'è il brio nazionale
 Della pinta e del boccale. »
10. Era 'l forza, la stanchezza,
 O l'efett da quista tema,
 Al m'ha moss al sangh in vena
 Che ha semper combattü.
11. Ura deiva dalan gamba
 Un cun l'altra lan sfrageva,
 E largheva paiateda
 Ura in quist o quel cantun.
12. Ura 'l coll e üra al stomach
 Ura el venter e lan coscia
 Percorreiva cun ingoscia
 E sfragevam bracc e man.
13. Üra teista e pè fisseva
 A lan sponda dla litgeira
 E sdrageva in sta maneira
 Ren e spala sü e giò.
14. Am trageva üra incunter
 La parè cun la polpetta
 E cun üna sgraiedetta
 Am quisteva ün mumentin.
15. E inscia a vicenda
 I'era semper carch'in vöga
 Da gurir un'altra plega
 Qualgi piata da cuntger.
16. « O Signor, Signore giüda,
 Üssarvand ca nu las müda
 Sünt al colm da lan fadiga
 I' ha sbragì: « Cum stea sü! »
17. « Ancor presto, buon amico,
 Se il caldo vi tormenta
 Riccorrete alla pazienza
 Il dolore cesserà. »
18. Ma jesüss, je sent cam pizca
 In tre lögh int üna volta,
 Ai vol altra zirinvolta
 Per pudeir ai riuscir.

19. Gner inscia nu vol zeidar
Quista cazra seccamara
Spetga dunque issa's bara
Una bomba in spavent.
20. Cun ün sbalz sunt saltà ora,
Plegn spavent da la litgeira
Percorrend cun fosca tgeira
I cantun dal dromidoir.
21. Qual tarantola maligna?
J'ha 'l delirio, J'ha la feivra,
J'ha la tegna, pesto neira
J'ha la rogna, il vajol?
22. Casa? pülas, sta brigeda?!?
Cum usserva mo in fretta!!
Er tratg or la camiscetta
Tgi spettacual verà mai!
23. La mi vita cumpariva
Tancu'l ceil da bela seira
Steilateda in maneira
Ca rendeva cumpasciun.
24. O fiöi da settimana
Giò ch'ev mossà la creanza
Je 'v darà iss la pitanza
Da rosier cun altar güst;
25. E muni da du tgavata
Ent tumpleva per l'armeda
Da maneira infurieda
Cam riprend al giardinier:
26. « Ma chilò s'la smaia as egrattan
Oman, dona, ricch e povar,
Alt e bass fann quist manovar
As egrata er l'imperatur.

**La Divisiun dal cumün da Surporta
davant al grand Consiglio.**

1. Rispettabel Sciur grand Consiglio,
Depütà da planüra e valläda,
Da muntagna e tana d'esiglio,
E da altran cuntreda zoppeda
I'em permett dav mosser riverenza
Speranzus cum prumettas credenza
2. Giò da tantan giorneda e satmana
Je nutrisc ent al corp 'na déspüta
Ca pastifra nuiusa melsana
Ura grita apparisc ura müta
E infetta cun lan conseguenza
I archiv da cumün e Regenza.
3. La minaccia da metter zizzania
E samner implacabal vendetta
O prodür diplorabla imfamia
O vangogna dal tütt maledetta
La minaccia da metter sot sura
Ogni ordan, la gent in malura.
4. S'as dumanda tgi è c'ha la colpa,
Tgi è quel ca percatgia, ca tira,
Tgi è qui ch'en gulus da polpa,
Tgi è qui cha bufettan sü l'ira?
Is respondan sdegnà l'ün e l'altar
O voaltar, no voaltar, no voaltar.
5. Je implor iss la vossa sapienza
Esperienza, buntà patriotta
E transir cun prudenta sentenza
La fatale questiun bargaiotta
Dastricand la discordia maligna
Stabilind üna pace benigna.
6. Ogni squadra oppür vascinanca,
Stabilida da secul as era,
Vulent esser pü fortà e franca
In istato da päsc e da guerra
In politica, economia,
S'en unida ün dì d' Bavania,
7. Cun i patg, da du doblan Comüna
Anch restassam per certan fatüra,
Sant Cassian e la Plaza l'er'üna,
La sagonda Barnöiv e Caltüra,
Cun manister, pastur, concisori,
Cun saltair, cavrair e scuditori.
8. S'ün ha munt, sul, campagna, granaglia
Veiva l'altra bosch, ganda, sumbría,
S'ün aveiva cornüda muaglia
L'altra transit, cavai, ustaria;
Es cambiant i prodott e lan forza
Pasciantevan al corp e la borza.

9. Ma invece plü incunter is gnivan
I doi pair ent la magistratüra
Ch'egal nümar giürà furnivan
Ent al corp da la giudicatüra,
Sott un capo da scelta unida
Or dal popal clamà per banida.
10. Quist è 'l corp da giurisdittüra,
Creatur d'ogni legge e mazüra,
Manegiunz d'economica tgüra,
Pulizia da piz e planüra
Despensur da rigur e clemenza
Mediatur fra cumün e regenza.
11. E l'archiv ca al patto rinsera
Ei trattà e acquisti in massa,
Fiss sarà e cun quattar grand sera
Custodida ogniüna per classa,
Ma incurca l'archiv i zarevan
Dal cumün lan campana i sunevan.
12. Tal ch'inscia rastevan sagüra
Libertà, pussesiun e la razza
Sci vascin, er mattem da Caltüra,
As mascdevan cun qui da la plazza,
O sa ün da chient as müdeva
E lassü o laora fümeva.
13. Quista moda dal viver sociale
A dürà, giò da secul biera,
Prospereva in mez la cabale
Supurteva al peis da la guerra
A motiv ca i patg i stimevan
E i dretg separà rispettevan.
14. Füssla anca rasteda inscia
Quista pratica filosofia
In cunfrunt dl'attuel teoria
E costituzional fantasia
Ca dal mili otcent e cinquanta
En nasciüda plan lan dissonanza.
15. Quelan lo l'organismo scügnettan
Cunfundettan potenza, idea,
En tulettan, mattetan, pazzettan,
Per amur da la lur marivea
In dulur e stupur e ruigna
Da l'unida e divisa musigna.
16. Iss invece al patto dichiara
Ogni part cun idea gelusa,
Sumigliand ca la gent sea nara,
E nu bada quel tant ca la truscia
Tgi vol pasqual, tgi bosch, tgi sonanti,
Tgi vol esser collatur, sovrastanti.
17. Dolf, Salveistar, Bazcheir, Maurizi,
Puntisela, Panchioni, Feretti,
Müller, Tön, Castelmur, Malizi,
Biadola, Gianot, Giacometti,
Pochel, Stampa, Prevosti, Baldini,
Sant, Fasciati, Vassal, Zuanini.
18. Tgi pratend ca per esser magiori
In politica vita spiagheda
Una palma assi vol territori
E sur tüt üna granda nigheda,
Tgi's diffend cun i dretg lan üsanza
E sur tüt cun 'na buna sustanza.
19. Ma nagot, pes mosser ca balorda
Davanteda en tüttan du banda
Pel discapit e l'ütl en sorda
Una part, l'altra prega e dumanda
S'la vol tör üna part d'la si doña
L'altra cre da giunter la balota.
20. I lodeival grand, piccol Consiglio
Er cun varian pro e cunter sentenza
Alla causa giò datg han dipiglio
Cun 'na taleclarezza, sapienza
C'al tanent dget: «Giüdizi Battista,
Trun da Dio, quel lo l'è 'na svista.
21. E sentenza ven sopra sentenza,
Spiegaziun da spiegheda pendenza,
Nöiv mutiv, möiv panzeir in vartenza,
Alter oman, giudizi, cuscienza,
Tütgi quantgi as rumpan la teista
Ma la causa? la causa reista.
22. Le riguard per 'na cosa mel nüzza
Tantan forza üser per nagota,
Maer l'üsc ca raspira la spüzza
S' dubligher tancu serp e limbrotta
S' cunfurter cun rivela sventüra
Negligiand radical sanadüra.
23. E per tal je sustent vers quist foro
Da stainer lan sentenza barocca
Es decider d'ün animo coro
Per ün pratico cuntciamarocca
Ca usserva ca senta ca tocca
E ca sappia scütger la magnocca.